



吾个及格分數

「佢愛在這位，同大家會失禮！自家後生个時節毋曉得想，對大家恁嚴條，得失著大家、怕也傷害著大家也，愛同大家會失禮！」會八十歲个先生，在畢業過後第一擺个同學會，摺既經都五十歲个學生仔會个，係麼个失禮呢？該係，三十大零年前，升學班對分數个要求，先生會打學生仔這件事情。

「彭瑞珠，九十八分。打兩下！」

在寒天，手巴掌分黃藤條修兩下，黏時紅紅腫腫、痛到放學帶等轉，想愛毋記得，都難！好得，包尾罕得分人修也，故所，佢對先生个印象，還係先生總係同情較苦个學生仔，對佢兜个照顧較多、關心也較多个印象。講起修人，頭擺个補習班，正安到會拌！因為打屎脰較看毋著、也較毋會傷著，故所當多補習班會打學生仔个屎脰。學生人也異曉得，曉得著幾下條長褲、曉得墊報紙，有兜个先生就會喊細佬仔，脫面褲打屎脰！

「先生，佢無怪怨你。承蒙你看得起，佢永久都記得，你分佢个及格分數。下後，係講自家做得做到一百分个，佢也會煞猛同佢做到好、做到靚。正經啊，佢有用正面去思考。」佢誠心个安慰先生，希望先生莫緊在心肝肚責罰自家。三十大零年前个教育環境，摺現下無共樣，升學班个細人仔分先生修，大體也都係對分數个要求。吾姆係承蒙先生一派个：「人家修你，手毋會軟喲！」總講，自家上課愛認真，係無，轉屋下愛做恁多个事，哪來个閒時間好分恩讀書呢？

每一儕人个及格分數，確實也都無共樣。一百分个及格分數，正經異妙，毋過佢無認為先生係刁難佢，因為該係佢做得著个。佢自家又係仰般要求自家个及格分數呢？做一個妹仔人，佢就毋及格，還細時節，總係牛嫲樣仔，害阿姆愁、分阿姆譴，分數就扣淨淨也。好得，吾性壞罔壞，斯異肯做、也異有心，勉強做得加分，可惜，等偲知好加分个時節，就無麼个機會也。

做一個阿姆人，吾子女無像佢有一個會想到子女一生人个阿姆，佢就單淨煞猛做，煮三餐、送便當、帶佢兜看世界，細人仔在學校靠著、跌著，隨傳隨到、放棄自家个事業。今這下，細人仔都大咧，還摺佢有講有笑，三不二時會搥射佢、弄分佢笑，勉勉仔怕算係及格。

到這下，自家个歲數算有咧，又好得吾哀仔，雖然無遺傳分佢盡砸碰个身體，毋過，一生人个食、用，佢都準備到好勢好勢。係講，佢還毋曉得守顧自家个身體，另擺愛來艱辛著自家、拖皮著子女，該就正經無及格也，轉長山个時節，堪該愛分阿姆打屎脰哩啲！

作者：彭瑞珠

☆詞彙學習☆

【嚴條】ngiam^ˇ tiau^ˇ：嚴格。

【靠著】ko do[`]：摩擦到、碰撞到。

【修】xiu[`]：拿長條物來教訓、修理人。

【勉勉仔】mien^ˊ mien^ˊ e[`]：勉強、尚可。

【面褲】mien fu：外褲。

【拖皮】to^ˊ pi^ˇ：拖拖拉拉。

☆文法學習☆

【好勢好勢】ho[`] se ho[`] se：完善、完備。重疊式的構詞，有時是加強語氣及程度，如本文的「好勢好勢」。有時卻是弱化，帶有「約略、大概、些微」的意涵。